

寶雞縣志卷之七

祠祀

壇壝

社稷壇

在縣西郭

神農壇

在縣東郭

邑厲壇

在縣西門外

風雲雷雨山川城隍壇

在縣東郭

祠宇

名宦祠在戟門東祀漢號令王尊陳倉令楊賜丞張元北魏武都太守韋閻蘇椿蘇讓唐陳倉令薛景僊尉張行成劉仁軌宋號令蔡黃裳寶雞尉侯蒙元教諭陳履謙明知縣許莊師嘉言陳以忠李嘉彥嚴夢鸞唐夢鷗縣丞江英教諭徐永達訓導高遷

寶雞縣志

卷七

祠祀

一

清贈兵部侍郎謚忠節陝西督學道葉映榴

按前祠內木主止六乾隆五十年知縣鄧夢琴取漢唐以來之勳崇銘鼎功在傳經以勞定國以死勤事者補入十四人鄉賢祠在戟門西祀漢右扶風掾徐敖元宣撫使王楫明雲南廣南府知府楊茂工部侍郎劉俊南京刑部侍郎張撫御史白鸞順德府知府林恭肅府教授高遷夔州府同知楊詳楚府長史楊汝恭濟南府同知王乾元吏部主事林紳大同府兵備道李甲夔州府通判高數仞山海衛教授党魯鞏昌府教授劉文顯東閣大學士楊畏知前清國史院大學士党崇雅

按前祠內無徐敖一主乾隆五十年知縣鄧夢琴據漢書儒

林傳補入又補入王楫一主

忠孝祠在治西祀金忠臣德順節度使愛申及部將劉興哥前清
旌表孝子董成梅

按祠內舊只董成梅一主乾隆五十年知縣鄧夢琴據金史
忠節傳補入二人

節義祠在治東祀明生員張輪妻趙氏生員楊光諭妻高氏生員
張乾妻高氏前清李茂華妻王氏高協緒妻強氏馮自壽妻薛
氏馮進喜妻楊氏袁遐齡聘妻貞女王氏楊灝妻賈氏郭寬妻
張氏楊松年妻張氏韓密妻盧氏楊大夏妻党氏劉漢政妻王
氏王文妻閻氏毛珍成妻康氏

寶雞縣志

卷七

祠祀

二

按今祠內木主續添較多矣蓋卓楔旣表於生前而俎豆宜
歆於身後然亦有完貞地下其後人不能送主人祠者

密時 址無考

史記封禪書秦宣公作密時於渭南祭青帝 水經注秦宣公
四年作密時於陳倉北阪祀青帝焉

上公明星祠 址無考

漢書地理志陳倉縣有上公明星祠

陳寶祠在縣東十五里乾隆四年邑令喬光烈修

史記秦本紀文公十九年得陳寶封禪書作鄜時後九年文公
獲若石云於陳倉北阪城祠之其神或歲不至或歲數來來也

常以夜光輝若流星從東南來集於祠城則若雄雞其聲殷云
野雞夜雉以一牢祠命曰陳寶其光景動人民陳寶節來一祠
春夏用騂秋冬用聊 漢書郊祀志成帝初以丞相匡衡言罷
雍鄜密上下時諸祀及陳寶祠由是皆罷明年作南郊大風壞
甘泉竹宮折拔時中樹木十圍以上百餘天子問劉向向對以
甘泉汾陰五時三神祠不可罷之義因言及陳寶祠曰自秦文
公至今七百餘歲矣漢興世世常來光色赤黃長四五丈直祠
而息音聲砰隱野雉皆雉每見雍太祝祠以太牢遣候乘一乘
傳馳詣行在所以爲福祥高帝時五來文帝時二十六來武帝
七十五來宣帝二十五來初元元年以來亦二十來此陽氣舊

寶雞縣志

卷七

祠祀

三

祠也於是詔復陳寶祠在陳倉者 臣瓚曰陳倉縣有寶夫人
祠或一歲二歲與葉君合葉君神來時天爲殷殷雷鳴雉爲之
雉也韋昭曰祠在陳倉縣寶而祠之故曰陳寶

明五福詩秦師畋得石如雞千載相傳作縣題霸業烟消山萃嶺
祀臺神去草萋迷人行古道車還住花落東風鳥自啼只有當時
清夜月至今
光彩照前溪

周三公祠在治東

文昌祠在學宮西一在風匣城一在閣子底有碑

蕭鄴侯祠在縣署儀門東

土地祠在縣署儀門東

宋吳公祠在益門鎮

祀宋特進開府儀同三司四川宣撫使節制陝西階成等州少師涪王諡武安吳公玠俗號大王廟

陳公祠在縣署東佑德觀旁

祀邑令陳肇昌後為把總官廨

神農廟二

一在東關卽先農祠一在縣南五里九龍泉上乾隆二十九年

邑令許起鳳重修有碑四十九年邑令鄧夢琴續修有紀遊詩

四首

郊垆駐馬對陳倉追溯皇風事渺茫無處人間無未耨幾年上古幾滄桑廟新未繪垂裳跡湫舊猶留浴日光少典遺封明德

遠泉源脈脈毓姬姜

榜題紀勝研雲煙皇古之初孰克傳數典

已窮搜竟腹吟詩未就聳鳶肩聚星體禁毫拈久禱雨人歸跌尚

懸高下均霑今歲樂灘田猶歉問朝饘 曖曖遠村度陌阡陳因

新跡兩茫然寺名瓦峪尋僧蠟堡近紅崖覓鼎詮容易駐顏逢露

寶雞縣志

卷七 祠祀

四

井艱難歸計買畬田兒童漸長不知稼惟傍芸編帶草鮮 猶記

洪濤夜撼關涓流斷續兩三灣龍驤萬斛舟藏迹竹杖雙橋蹇策

還涇濁渭清終別渚鳥飛鼠伏豈同山興闌遊罷村墟散晚照風

光滿市闌

女登廟在九龍泉神農廟左偕少典同祀舊志誤以為姜嫄廟

姜嫄廟在東北四十里白荆山

文王廟在磻溪釣臺

漢書地理志號有周文武祠

太公廟在磻溪

新唐書禮樂志開元十九年始置太公尚父廟以留侯張良配

中春中秋上戊祭之牲樂之制如文宣出師命將發日引辭於

廟仍以古名將十人為十哲配上元元年尊太公為武成王祭

奠與文宣比後罷中祀遂不祭建中三年禮儀使顏真卿奏治武城廟請如月令春秋釋奠其追封以王宜用諸侯之數樂奏軒縣詔史館考定可配享者列古今名將凡六十四人圖形焉後以刑部尚書關播言去亞聖十哲之號惟享武成王及留侯四年左司郎中嚴浚議太公兵家者流謂宜去武成王號復爲太公廟刑部員外陸淳亦請罷上元追封立廟時有司以時享於磻溪爲宜卒從令狐建等議以兵革未靖不宜貶損其春秋時祭以上將軍大將軍將軍爲三獻焉

按武成典禮之修本非茲邑所得慨然肆伐之列實獻卜於非熊而六羽之崇亦權輿於貞觀况官歌有仳已冷丹楹殿餘靈光獨臨綠水則其肇祀之盛衰固亦數典所宜詳也至於磻溪興建之由省志謂始於明嘉靖間巡察御史方新但唐書貞觀初已於磻溪立廟則侍御亦因而葺之耳

漢高祖廟在治北五里

關帝廟九

- 一在治東明天啟四年建前清康熙十八年重修一在益門鎮
- 有邑人王仕譔碑一在縣西峽石橋一在紫草原一在底店鎮
- 有邑人張鍾英譔碑一在金陵店一在縣東北五十里桃源村
- 一在虢縣鎮北街一在陽平鎮按鄉屬稱神祀爲聖賢廟甚至一村兩廟不獨九也

東嶽廟二

一在縣東郭一在縣東南八十里青峯里

吳嶽廟七

舊志一在南高村一在北菴一在蔣家廟一在曲慶橋一在三家村一在龍尾頭一在何家村

太白廟三

一在縣城外西北隅一在縣東二十五里禱雨有應邑人劉俊建一在縣東南一百里朱家灣禱雨輒應

八蠟廟在西郭

舊志明萬曆十三年建

寶雞縣志

卷七

祠祀

六

城隍廟二

一在署西明隆慶二年邑人楊遇等重修一在號鎮康熙四十二年邑人傅汝爲有重修廟碑

龍神廟在城南門外

省志康熙己亥年署令王澤隆修

火神廟五

一在署東一在底店鎮一在號鎮一在陽平鎮一在車轍鎮

馬神廟二

一在署東陳倉驛中一在驛東蓋舊廟也

奎宿樓二

一在學宮東先建於明邑令熊汝廉後建於署令王之佐教諭

李長芳有記一在城上東南隅邑令喬光烈建

寺觀

佑德觀在署東

舊志建於宋時名天慶觀金改佑德中有七星碑

北極宮在署南

三官殿二

舊志一在治東興仁巷一在治西興儒巷

八角寺在城北原下

舊志背負陵原俯瞰邑治清泉翠柏良可憑襟

寶雞縣志

卷七

祠祀

七

邑人楊必達詩禪房寂寂於春靜馨韻悠悠到夜閒沙界原來空
五蘊高僧亦自破三關東川浪湧當軒月西嶺煙籠倚殿山晚坐
招提聽梵語佛頭雲去又飛還

空洞寺在八角寺東

舊志門澗清泉院蔭古柏

元貞觀在縣北七里

舊志殿宇宏敞有古柏二

雲臺觀在縣北十里

舊志地據懸崖柏林深秀

交龍寺在縣北十五里

舊志左右雙泉

菜園寺在縣北二十三里

無量寺在縣北二十里

慶壽寺在縣城西北一里

賈志元大德五年僧雲岩建

牛頭觀在西北四里

舊志觀內清泉相傳爲馬丹陽仙蹟峭級數尋絕頂爲玉皇閣

閣右崖下有眞武一堂神采奕奕觀其手蹟當是元阿尼哥劉

供奉之流

後山寺在西北五里

舊志紫草原後

寶雞縣志

卷七

祠祀

八

三大士殿在縣西二里

十王殿在縣西五里

藥王洞二

一在縣西二里高家坡有邑人張銘碑記一在縣北二十八里

周家莊左側

金頂寺亦在高家坡上

黑虎寺在西十五里陸川

邑人党恂如謂陡嶺紆回如幃如幕碧流澄映潺湲悅人

佛巖寺在西四十里

省志唐時巖裂出佛五十三軀遂建爲寺康熙癸卯年僧淡虛

重修大學士党崇雅有記

七星觀在西四十里

賈志舊云有七星現彩故名

金陽觀在西四十里

金臺觀在縣東北一里許

府志張三丰修道之所章邱李春記縣册元末邑人楊軌山等
修明宣德八年侍郎張用澣重修嘉靖二十九年里人趙世鳳
修觀有修真朝陽飛昇諸洞后稷三宮三青元帝諸殿五祖七
真團標前為玉皇閣朱楹雕檻極為壯麗古柏數株傳是張真
手植

寶雞縣志

卷七

祠祀

九

明張鍊詩不為依陳寶浮雲自往來三峯留玉洞一杖下金臺海
嶽歸何處君王召不同無生本無地人世漫徘徊
南充陳于陞詩丹巖玉洞倚雲平十二雕欄瞰五城閣道西來通
閬苑渭川東去入蓬瀛釣璜人遠影誰獲祠寶臺湮雉自鳴王業
伯圖成底事翛然從此學長生
邑令黃肇宏重九同學舍諸生遊金臺觀詩廿年舊事吾能記古
寺秋風聽鹿鳴直雀掄才同此日來年報捷望諸生蟠龍山訪前
賢迹市駿台爭上國名騰達雲霄各努力老夫端不愧持衡

淨土菴在金臺觀之下

舊志在隴右巷菴有娑羅泉清流曲繞古樹交陰

大乘菴在娑羅泉之右

松柏蒼翠極為幽清

鐘樓寺在縣東北十五里

長壽寺在東北二十里

舊志在凸家凹

清泉寺在東北二十里

舊志在賈村鎮

證果寺在東北二十五里

北興國寺在東北三十里

舊志有泉名佛池相傳唐太宗爲秦王時於此禱雨有應因建寺

星雲觀在東北三十里

舊志有清洪二泉

寶雞縣志

卷七

祠祀

十

清泉觀在東北三十五里清泉里有清泉如鑑

清蓮寺在東北四十里西平原

前臨泃水後倚西平原結構壯麗松柏蕭森極爲偉觀

興隆寺在西平原

舊志在大韓村邑人張鍾英撰碑

西壕寺在西平原大槐村

東彌陀院在東北四十里

雙龍洞在東北五十里

舊志馬蹟山南危崖石窟旁有清泉

聖恩寺在東北五十五里

僧慙休詩一帶雲山一草堂一瓶淨水一鑪香心融有念歸無念
日課朝陽到夕陽紅杏雨餘春正好白蓮風細夏偏長池灰任教
談千劫不改
薌林古道場

準提菴在縣東金陵店

舊志邑人党居易建有鐘一銘者爲党丕顯

朝峯寺在縣東十里

舊志面對雞峯嵐光遠映

王母洞在縣東十三里

舊志在蟠龍山幽洞懸崖可以消暑

崇教寺在縣東十五里大槐樹村

龍泉寺在縣東十五里

寶雞縣志

卷七

祠祀

十一

舊志古洞深邃清泉澄瑩

靈泉寺在縣東二十里

舊志旁有流泉

臥龍寺在縣東二十一里

舊志相傳唐明皇幸蜀宿此

武城寺在縣東三十里底店鎮西

舊志林柯陰翳石齒流泉

鎮海寺在縣東二十里渭水側

舊志門臨渭水響徹潮音有邑人楊廷桂題榜

東石鼓寺在縣東三十五里

舊志在石鼻城內有邑人楊純詩

烏蛇舊陣倚高陵
龍樹今傳最上乘
壘建金湯垂相業
寺名石鼓志中興
碣殘還見同文化
殿古猶存入定僧
空相不生原不滅
月來方丈儼傳燈

石莊寺在縣東四十八里號鎮西二里

石佛寺在縣東五十里號鎮西街

鎮江寺在號鎮西

舊有涼樓今雖傾圮遺址尚存傳是號叔所建

常寧宮在號鎮

舊志相傳秦時建歷漢唐宋元明皆有修葺
規制崇閎憑高臨下秦山千里之勝一覽無遺
明道士張靜琴住此以宮中無井

寶雞縣志

卷七

祠祀

十二

禱神開鑿遇石竇湧出清泉有文記之又有邱長春題虛亭祠

見金石

楊章程詩幾間茅屋隔塵寰
清愛流泉靜愛山採藥一仙雲
外去巢松雙鶴雨中還
牀頭濁酒從教醉世上浮名總是閑
贏得幽居多景趣蓬萊應不比人間

朝陽寺在號鎮東北里許

眞武洞在號鎮北二里旁有池禱雨立應

小蓬壺在縣東六十里

舊志一名玉泉觀一名南昌宮中有白雞泉水出兩竅交流成沼地勢秀拔松柏鬱蒼彷彿蓬島正陽長春昔曾居之歷代修葺有寥陽殿通明閣雷祖三官諸廟靜室雲館蔬圃水磨各有

碑記

浮梁鄭鳳儀詩蓬壺安可即小有近諸天徑寂分樵響雲深護鶴
眠到門空翠合斷澗暗泉穿未遇長春侶誰從辨鼎詮
罇樹紅無際登高見幾峯午雲生谷雨初地闕仙蹤
畫壁莓苔上丹經石室封惟疑風動柏如聽六時鐘

西溪觀在縣東七十里

舊志明經略使鳳翔袁應泰有重修碑記

混元洞在縣東七十里

舊志在磨性山山下左右流泉匯爲蓮池再上爲邱長春丹房
東有聖母殿殿旁有池混元洞在丹房後岩下有二石如升極
光潤曰磨性石其餘洞壑甚多絕頂石牆如城洞闢四門中爲
三清殿明宏治辛酉年增修

寶雞縣志

卷七

祠祀

十三

東興國寺在縣東八十里

舊志在興國里洪武十二年僧善才建

法慧院在縣東八十里陽平鎮

東鐘樓寺在陽平鎮街東

寺有宋太平興國五年碑字畫剝落

大帳寺在陽平鎮東二里

舊志唐時建殿宇崇閣甃瓦皆琉璃

壽峯寺在縣東一百里

舊志元泰定四年僧會明創建

以上寺觀皆在渭北

毗盧寺在縣東南八里

明隆慶四年重修雍正三年范鐘鼎各一

靈山寺在縣東南十里

石鼓寺在縣東南十五里石鼓山側

隆興寺在縣東二十里涼泉西

明嘉靖三十六年建鐘一造於是年二月二十七日

廣濟寺在縣東南二十里馬營鎮

寺有宋熙寧八年牒一通張嗽侯蒙行記序石刻並見金石

然燈寺在縣東南二十里

府志元至大四年僧吉祥重建

寶雞縣志

卷七

祠祀

十四

餘慶寺在縣東南三十里姬家店

眞武殿在縣東南三十里

明隆慶八年建並范鐘一

魚興寺在縣東南三十五里

明萬曆三年重修並范鐘一

魚山寺在縣東南四十里八魚原上

明永樂七年建其年三月范鐘一

啟靈觀在縣東南四十五里

賈志邱長春避暑處清溪泉出其旁有鐘一天順甲申年邑令

王綸造

天聖宮在縣東南五十里

宮臨渭涘殿宇宏敞竹樹清幽

成道宮在縣東南五十里有天真烟霞二洞

舊志宮爲邱長春成道處本名礮溪觀元以長春爲國師因詔改名成道宮有元碑三道德經石柱一明正統丁卯年鐘一

丹陽觀在縣東南五十里八魚原後

觀據南山之麓幽靜險僻卽馬丹陽遺蹟

佛洞在縣東南七十里響靜山

舊志清水谷中洞懸峭壁棧梯而上旁有湫池是焉禱雨

龍宮寺在縣東南七十里雞峯山下

寶雞縣志

卷七

祠祀

十五

蘇詩雞嶺雲霞古龍宮殿宇幽王注縣有雞爪峯龍宮寺今寺

無考

青峯寺在縣東南八十里

據舊志明天順三年僧妙圓建然蘇集有是日自礮溪往陽平

憩於麻田青峯寺之下院翠麓亭詩按其道里卽是此處舊志非也

雙林寺在縣東南八十里青峯里八廟村

乾隆壬戌鑄二千斤鐵鐘邑人張效仲爲記文頗奇偉

延生觀在縣東南八十里

觀音院在縣東南八十五里

有鐘一明宏治十六年範

龍泉寺在縣東南九十里

明萬曆四年重修旁有泉寺因名焉鐘一亦範於是年重四千斤

彼岸堂在縣東南九十里

明宏治六年重修鐘一宏治十七年範

興福寺在縣東南一百里齊家里

明景泰元年建

真人洞在齊家里

明萬曆二年範鼎一座高丈餘

寶雞縣志

卷七

祠祀

十六

竹林寺在縣東南一百里

宋政和乙未建

天蓋寺在縣東南一百里青峯山下

元帝宮在縣東南一百里朱家灘上

清涼寺在縣東南一百五里渭寧里

有鐘一明萬曆二年範

普照寺在縣東南一百一十里齊家里原上

寶蓋寺在縣東南一百一十里青峯山下

青峯萬壽二禪院一在青峯山上一在青峯山下

舊志後唐清泰中僧傳楚建考下院有宋建隆牒一通并景德

二年梁鼎所作記元祐三年王箴所作岫禪師龕銘俱見金石志又鐘一明正統丁卯季冬范

興福寺在縣南三里

舊志寺在石家營院宇幽寂綠陰清水爲雲棧往來憩息之所

瓦峪寺在縣南六里

舊志宋僧不空建有遺偈鐫石

白雲寺在縣南十里高山上

通仙觀在縣南十五里

賈志大散仙人成道處

斗母宮在縣南二十里大灣鋪

寶雞縣志

卷七

祠祀

十七

還丹觀在縣南三十里燒香臺下相傳純陽子鍊丹處

塔梢寺在縣西南十五里塔河東

眞武觀在縣西南十五里高家村

玉臺觀在縣西南二十里縣頭嶺

明萬曆四十七年重修並范鐘鼎各一

九天聖母宮在縣西南二十里戩祉山

舊有湫洞乾隆五十年夏知縣鄧夢琴禱雨有應倡捐建廟有

碑記

西彌陀院在縣西南二十里太寧里

院後有泉禱雨多應

明素觀在西南四十里

正陽真人修鍊處

普濟寺在縣西南四十里晁峪

觀音堂在縣西南五十里旁有玉女祠

舊志明洪武二年縣丞吳彝建名中興寺有玉女祠飛泉甚甘

邑令喬光烈建亭三楹顏曰停雲有題壁詩

萬山深處兩三家暫憩聊依祇樹花虎跡偏侵征路晚猿聲愁聽
旅燈斜停雲初頓烏皮几活火還烹石鼎茶廣廈居平懷杜老空

將詩句
寫生涯

雲蓋寺在觀音堂西十餘里

寺已傾圮惟餘一鐘傳爲唐范

寶雞縣志

卷七

祠祀

十八

以上寺觀在渭南

彤華宮在縣西六里

勝金寺在縣西五里

圓通寺在縣西六十里

以上三處舊志脫略今補入

鄧夢琴論曰昔史趙之論社稷五祀也其六皆取古之能於其職者以爲之主而禮家自有國得祭封內山川而外亦遂有法施於民定國勤事禦災捍患之祀蓋仿其義也非是類也不在祀典矣後世不攷踵事日增貴襪祥則二郊六宗之外巫祝紛馳尙撻伐則受成獻馘之餘鴻名別錫卽如秦以

雌鳴兆霸而時祠之候望旁午渭汧唐以馬上膺圖而武成
之配食濫及橐鞬典殊享帝制異修文遷史譏之於前陸淳
議之於後良有以也今其遺址半在陳倉而典禮從汰祭祀
不瀆 盛世之秩序寅清非前代所可及矣又况民和而神
降之福不信民亦弗從凡其有舉無廢孰非從政有所者乎
故茲所纂述如前六職正典亦既明祀維昭矣他若文昌奎
宿考據之謬於天官海瀆岱宗山川之非在境內亦得連類
而及焉若夫梵宇星壇本非命祀細爲悉委幾類助瀾然而
記洛陽之伽藍半爲臨眺述柳州之山水亦及精廬地旣擅
曠如奧如之觀人足寄游焉息焉之興故特縷分道路繹敘
程途俾探奇者有神馳物外之思無虞趾良披卷者作身在
圖中之快足當臥遊云